



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Philippi Labbei Bitvrici Societatis Iesv Presbyteri, Nova Bibliotheca Mss. Librorvm, Sive Specimen Antiquarvm Lectionvm Latinarvm Et Græcarvm**

**Labbé, Philippe**

**Parisiis, 1653**

Vitæ & Passiones aliquot Sanctorum Sanctarúmque quas calamo  
descripsit R. P. Ludouicus Iacob à sancto Carolo, pag. 367. & 368.

**urn:nbn:de:hbz:466:1-13263**

viano scribe Petauiano. Ex codice Naudæano nono seu sexto. adde:  
Incipit: Caritatiuis venerabilium quorundam vestri Sacri Ordinis, Fratres charissimi, precibus inclinatus, timens licet ac trepidus scribere præsumo. Quis: de quo? sanè Petrus de Petro, Episcopus de Episcopo, sed paruus de Maximo, infimus de Summo, scelestus quoque ac peccator indignissimus de caelesti ac dignissimo vestri sancti gregis Pastore primo atque præcipuo, &c. Desinit: ad cuius latitiæ participationem ille nos peruenire concedat, qui est benedictus, &c. Post, lamentatio de eius morte: Incipit: Venite & audite me & narrabo vobis quanta fecit Dominus animæ meæ. Desinit: Datum Auenione, in Nonis Maij, Pontificatus nostri (scilicet Clementis V.) anno octauo. De opere Profometrico, Vide pag. 62. & pag. 235. sub finem atque integram fermè 236.

Pag. 16. possessori scribe possessore. Pag. seq. B. Iacobi è Castro Plebis meminit Lucas Vadingus III. Tomo Annalium Minorum ad annum 1504. Benedicti XII. Papæ primum. Incipit vero huius vita: Beati quoque Iacobi, &c. Desinit inter monumenta Conuentus sancti Marcelli.

Pag. 18. S. Leufredi vitam edidit quoque Vincentius Barralis in Chronologia Lirinensi.

Pag. 19. Translatio S. Monica incipit: sæpissimè fueram rogatus à pluribus, vt translationem sanctæ Monica Matris S. Augustini, &c. Clauditur Hymno ad laudem sanctæ Monica, cuius ultimi versus sunt.

*Laus honor Filio, qui simul inclytum.*

*spirat de patrio corde Paraclitum.*

Vita S. Paterniani primi Fanensis Episcopi. Incipit: Dum perituro mundo dignata est diuina clementia prouidere. Desinit: si te non pigeat audire.

Idem R. P. Ludouicus Iacob, Ord. Carmelitarum, hunc quoque mihi pro sua singulari humanitate communicauit Indiculum eorum opusculorum, quæ viris omnibus eruditis ad editionem parata libenti animo offert.

Vita & Passio S. Bertharij Martyris & Abbatis XIX. Sacri Monasterij Cassinensis à P. D. Ignatio Pragensi eiusdem mon. Cassinensis Vener. Priore composita, ac Notis Constantini Caietani, Abbatis S. Baronti, illustrata.

Vita S. Benigni Martyris ex Breuiario Flauiniacensi.

Vita S. Christina Virginis ex eodem Breuiario.

Vita S. Prælecti ex eodem Breuiario.

- Vita altera eiusdem S. Praeecti ex eodem Breuiario.  
 Fundatio Monasterij Flauiniacensis ex eodem Breuiario.  
 Vita S. Ioannis Lingonensis Confessoris, ex eodem Breuiario.  
 Vita S. Germani Antiffiodorensis ex eodem Breuiario.  
 Vita S. Germani Episcopi Parisiensis, ex Breuiario Eduensi.  
 Vita S. Claudij Episcopi & Confess. ex eodem Breuiario Ed.  
 Vita S. Maximini Episcopi, & Confess. ex eod. Breuiario Ed.  
 Vita S. Simplicij Episcopi Eduensis, ex eod. Breuiario Ed.  
 Vita S. Theobaldi Confessoris, ex eod. Breuiario Ed.  
 De Inuentione corporis S. Quintini ex eod. Breuiario Ed.  
 Vita S. Rhetici Episcopi Eduensis, ex eod. Breuiario Ed.  
 Vita S. Cassiani Episcopi, ex eodem Breuiario Ed.  
 Vita S. Syagrii Episcopi Eduensis ex eod. Breuiario Ed.  
 Vita S. Mammetis Martyris, ex eodem Breuiario Ed.  
 Arnoldus Bostius Carmelita Gandensis de Illustribus Viris  
 Ordinis Carmelitarum: habentur bina exemplaria MSS. & ha-  
 ctenus inedita. Bostius obiit 1499. de quo Ioannes Trithemius de  
 Scriptoribus Ecclesiasticis.

*Ad secundam Partem Biblicam & Theologicam.*

Linea vltima pag. 21. Testimoniorum ex Epistolis sancti Pau-  
 li libellus & pag. 22. initio adde ex apographo misso à R. P. Ale-  
 xandro VViltheim Societatis Iesv Presbytero.

Incipit Stephani Langthon expositio super Exodum: In ingres-  
 su Tabernaculi quinque columna erant de lignis Sethim deau-  
 rata. Desinit: Cum infirmor tunc fortior, sum & potens per cun-  
 ctas mansiones.

Pag. 23. Guidonis Elnensis. Is est Guido de Perpiniano Ordi-  
 nis Carmelitarum, cuius opera quadam typis edita fuerunt. De  
 ijs plura Epitomator Bibliotheca Gesneri Iosias Simlerus, & An-  
 tonius Posseuinus noster in Sacro Apparatu.

Ad pag. 24. Marii Victorini, Afri, Viri clarissimi Consularis de  
 Generatione Verbi confutatorium Candidi Ariani cum Bernar-  
 di Ziegleri Conceptionibus seu commentariis in Genesim edi-  
 tum est in folio, anno 1548 Basilea apud Ioannem Oporinum. Sed  
 alieno prorsus loco insertum est cum eiusdem Candidi Ariani li-  
 bello. Opera pretium existimant Viri docti vtrumque illud opus-  
 culum in meliori lumine ad quorumlibet vsum collocare. Edi-  
 dit quoque R. P. Iacobus Sirmondus inter opuscula Dogmatica  
 Victorini Afri librum contra Manichaeos. Item de principio Dei  
 in 8. anno 1630. apud Sebastianum Cramoisy.

Ibidem Dydimi, scribe Didymi. Claudij vero Taurinensis Epif-  
 copi

copi commentaria in Epistolam duntaxat ad Galatas sancti Pauli Apostoli edita sunt in SS. Patrum Bibliothecis Parisiensibus & Coloniensi per singula Æræ Christianæ sæcula digesta.

Ad pag. 25. Odo Suessionensis vixit circa tempora Eugenij iii. Incipit: super Ieremiam, quidquid mali super nos adducitur nostra peccata merentur. Desinit: ad id alium ad quod me ipsum.

Gualiffi commentarius super quatuor libros Sententiarum in codice Naudrano ii. Incipit: Vtrum quilibet Viator existens in gratia assentiendo articulis fidei mereatur, Videtur quod non, &c. Desinit: posset alteri vices suas committere.

Pag. 26. Thomæ Cracouiensis opusculum de ratione sumendi corpus Christi dicitur fuisse pronuper excusum Lugduni, nondum tamen videre contigit.

Iesse Ambianensis Episcopi Tractatus de Ordine Baptismi editus fuit post aliqua Hincmari Remensis Archiepiscopi opuscula in 4. anno 1615. Parisiis, apud Sebastianum Cramoisy cura & studio Ioannis Cordesij Canonici Lemouicensis.

Petri Alfonsi Viri illustris ex Iudæo Catholici Dialogus editus fuisse dicitur Colonia in 8. anno 1536. Nos cum MSS. codice nostro optimæ notæ conferemus.

Summa Fr. Moneta qui vivebat anno 1225. fueratque in sæculo Professor artium Bononiæ, antequam Ordini Prædicatorum se manciparet. Incipit: Tempus faciendi, &c.

Pag. 28. Multa Hildeberti Cenomanensis Ep. opera collegisse olim maximo studio V. C. Philippum Loyauté Aduocatam Parisiensem à multis eruditione præstantibus viris accepi, quæ opera pretium fuerit ab hæredibus, aut iis, in quorum manus deuenerunt, publicæ utilitati diutiùs non inuideri.

In septifegmentato opere quod Alexander Achillinus Medicus ac Philosophus emisit in lucem Bononiæ impensis Benedicti Hectoris anno Domini 1516. in folio, reperiuntur I. Aristotelis Philosophorum Maximi Secretum Secretorum ad Alexandrum de Regum regimine, de sanitatis conseruatione, de Physionomia, &c. alio nomine: Liber moralium de regimine Principum ad Alexandrum cum prologo Ioannis qui transtulit librum Filij Patricij. II. Eiusdem maximi Philosophi Aristotelis de signis aquarum ventorum & tempestatum. III. Eiusdem de Mineralibus. IV. Alexandri Aphrodisiensis de intellectu. V. Auerrois de beatitudine animæ. VI. Alexandri Achillini Bononiensis de vniuersalibus. VII. Alexandri Macedonis in septentrione Monarchæ de Mineralibus seu mirabilibus Indiæ ad Aristotelem. Alio ergo